

Posicion di AHATA riba desaroyo di turismo

7 november, 2025

Aruba Hotel & Tourism Association (AHATA) ta representa tur sector di acomodacion: hotel, timeshare, short term vacation rental, y demas compania cu ta depende di Aruba su turismo pa ta exitoso.

Cu un lista integral, AHATA ta confirma su posicion riba e topico di desaroyo di turismo na Aruba:

1. AHATA ta boga pa moratorio di hotel y condominium na region di Eagle Beach y Palm Beach. Desde 2018 AHATA a publica su recomendacion pa moratorio.
2. E sector di vacation rental (STR) tin mesun importancia cu hotel y timeshare pa nos industria.
3. Alohamiento na vacation rental na Aruba a crece cu 70% desde 2018, mientras cu alohamiento na hotel no a crece.
4. Falta registracion, regulacion y cumplimiento di impuesto den sector di vacation rental.
5. Tur comerciante mester cumpli cu impuesto y ley, incluyendo adkeri permisonan y hotel of logementvergunning di gobierno.
6. Pa opera un hotel of vacation rental mester ricibi un erfpacht apropia di gobierno y mester cumpli cu ROPV.
7. Gobierno, den pasado, a duna algun inversionista permiso y erfpacht pa desaroyo, dunando e inversionista derecho legal pa construi proyecto.
8. Pa interveni den derecho legal, determina fecha di desaroyo, y propone cualquier otro inversion na Aruba, gobierno mester dialoga directamente cu e inversionista.
9. AHATA ta recomenda un strategia di turismo pa Aruba cu ta priorisa crecimiento di balor (e percentahe di bishitante cu entrada mas halto) y ta limita crecimiento di volumen (cantidad di turista). Evitando sobreturismo y su efectonan negativo ta na bienestar di e pilar di nos economia.
10. AHATA ta recomienda pa limita e cantidad di pasahero di crucero cu ta yega Aruba riba e mesun dia, pa limita e cantidad di hende riba nos beachnan, cayanen, y na nos atraccionnan.
11. AHATA ta boga pa introduccion di reglamento y control di UTV y watersports.